

摘藻堂四庫全書薈要

史部

欽定四庫全書薈要

史部

硃批諭旨卷一百七十五之二

詳校官編修臣繆晉

欽定四庫全書薈要卷八千一百三十四

史部

硃批諭旨卷一百七十五之二

硃批嵇曾筠奏摺

雍正五年正月初四日兵部左侍郎河南副總河  
兼管山東黃河堤工臣嵇曾筠謹

奏爲恭報

聖世河清昌期嘉應事竊照豫省黃河自雍正四年十  
二月初七日以後天氣漸融流澌順軌凌汛平穩



臣已恭摺具報嗣於十二月初九日起漸見澄清至十六十七等日尤爲清徹隨委員各處查驗於十二月二十七二十九等日據管河道廳具報上自陝州下至虞城河清嘉瑞前來臣現駐河濱臘底新年屢爲查閱果見河水湛然竝無沙滓而且二旬之久千里之遠澄明清徹一氣綿長誠爲千古奇逢史冊罕載者也伏念我

皇上

誠格靈祇

德懷河嶽源從天上奇徵孚洽

穹蒼水由地中異瑞彌昭清晏敷聲教於四海同風之盛

奠清寧於萬年有道之休臣不勝踴躍歡忭容於

開印後繕本

題報外理合恭摺奏

聞伏乞

睿鑒謹

奏

河清雖屬可慶之瑞朕自顧德薄倍加凜畏我君臣當  
更相警勉以期仰答

蒼穹之眷佑耳

同日又

奏爲恭謝

天恩仰祈

睿鑒事雍正五年正月初三日臣於祥符縣北岸工所

准工部咨內開奉

旨近年豫省河務險工下移堤岸完固平穩山東河務甚屬緊要向係山東巡撫管理但巡撫有地方責任恐不能專理河務山東與河南接壤作何令副總河嵇曾筠兼管之處著九卿會議具奏欽此欽遵該臣

等會議得山東與河南接壤皆黃河所經兩省堤工最稱險要查河工事宜本係總河專責今河南既設有副總河現駐武陟等處與山東接壤理應

欽遵

諭旨將山東與河南接壤之曹縣定陶曹州單縣城武等處附近黃河地方凡一切修築堤岸等工應交副總河嵇曾筠就近管轄等因奉

旨依議欽此移咨到臣隨恭設香案望

闕九叩祇承

諭旨恭謝

天恩訖竊臣一介菲材遭逢



聖主幸蒙

特達之知非常之遇及至謬膺河務皆賴

聖謨指示

睿慮周詳而臣報稱無能愆尤叢積方深惕勵悚惶迺  
蒙我

皇上新恩特沛委任有加臣聞

命之下感激難名惟有益加奮勉殫竭駑駘冀報涓埃  
伏念河防緊要東省曹單等縣黃河尤爲逼近運

河攸關匪細趁此桃汛以前亟宜加意修守一面  
將豫省南岸委管河道祝兆鵬北岸委主事朱藻  
令其分投逐工清查埽料沿堤催督兵夫種柳積  
土臣卽於正月初七日前往山東查勘黃河堤埽  
工程其修防措置事宜容臣另摺恭請

訓示遵行所有微臣仰荷

新綸蟻忱感激理合具摺恭謝

天恩伏乞

睿鑒謹

奏

竭力勉爲之太上云忘其身而身存此語豈特長生久  
視之良方卽係保祿全名之要道在善於推類而體會  
之耳試觀致身奉公者莫不爲

神明所佑巧詐趨避者率皆被造物所忌縱獲目前小利  
日後必罹大咎徵驗昭然歷歷可鑑朕之醒世格言內  
外諸臣當佩服以爲終身誦果能躬行實踐至受益時

方感朕一片苦衷也汝其勉諸

條奏一摺交廷臣議覆有旨

雍正五年正月十九日兵部左侍郎河南副總河  
兼管山東黃河堤工臣嵇曾筠謹

奏爲敬陳東省黃河堤埽工程事宜仰請

聖訓以固修防事竊臣奉

命兼管山東黃河工程遵於雍正五年正月初七日自  
豫省之儀封交界起至江南之碭山交界止將東

省曹單二縣堤埽工程細加踏勘查得北岸曹單  
二縣境內共計堤長四萬一千四百丈南岸曹縣  
境內共計堤長七百五十七丈而北岸之堤密邇  
運道所關尤重今內外俱有重堤復有越格等堤  
包護周密立法綦善但臨河縷堤歷年久遠每多  
殘缺卑薄應擇其險要審其緩急以次加幫修守  
不懈自足以資鞏固惟曹縣北岸之芝蔴莊一工  
勢當黃河大溜每遇汎水長發全黃直射撞激堪

虞查該工已於雍正三年河臣齊蘇勒於詳請發

帑等事案內捲下順埽一百七十二丈復於雍正

四年請開引河等事案內加添魚鱗護埽一百八

十五丈并於上流建築挑水壩一座又題明撥調

江南河營汛弁帶領河兵二百名駐工防守其所

以捍衛大堤敵黃保運者法亦盡矣但修工全資

料物而辦料貴在先時今該工堆貯物料寥寥無

幾時已交春豈容延緩臣查魚鱗護埽係曹縣知

徐文燦之獲罪事小堤工之干係甚鉅切莫推諉毋涉  
姑容料物不全所司何事從前之該管上司失於查察  
均有不合好好先生斷不可為工程端致疎虞却青晚  
十二丈久經限滿理應歸入歲修動帑辦理修防  
矣

若不預行購辦貯工應用將來青黃不接恐至貽  
誤工程運道民生關係匪小臣一面嚴飭該縣飛  
備各料星夜運工加謹保固外仍一面移咨河臣

齊蘇勒會稿

題請歲修并飭令山東布政司速卽酌發帑銀交給

甚屬

緊要

地方官辦運料物以爲防守伏秋之用統於霜

降後核實

題估彙入該年歲修案內報銷此外倘有應行下埽  
并鑲下防風之處容臣臨時相度形勢斟酌機宜  
分別輕重按段增修庶捍禦有資而要工之修防  
無誤臣管窺淺見冒昧陳

奏是否有當伏祈

皇上俯賜訓飭指示以便敬謹遵循爲此繕摺具奏伏



祈

睿鑒謹

奏

覽

雍正五年二月十三日兵部左侍郎河南副總河  
兼管山東黃河堤工臣嵇曾筠謹

奏爲欽奉

上諭事竊臣奉

命兼管山東黃河工程已於正月初七日前赴東省查閱堤工至曹縣芝麻莊見埽壩工程正需修理而所存料物甚少惟恐遲延貽誤隨一面嚴飭曹縣知縣徐文燦星速趨辦以防桃汛一面會稿

題請歲修并檄行布政司酌撥銀六千兩交給該地方官購備料物以防伏秋業經

奏明在案蒙

皇上訓諭嚴切隨卽欽遵飛飭廳縣等官星夜上緊辦

運倘稍有玩延卽行嚴叅今臣由南岸查工渡河而北於二月初九日復至芝麻莊查秫稽草束各料俱已運貯堤頂臣隨令江南河營千把總并該汛員開工整理舊埽按法加鑲簽椿壓土務須十分堅固以資抵禦是桃汛之修防定可無誤矣其伏秋兩汛應需料物亦必於此時及早辦貯免致青黃不接臨時掣肘雖藩庫銀兩尚未移解前來臣已檄飭廳印各官將大堤徭夫歲修銀兩先行

通融購備俟布政司銀兩解到給還俱不得藉端延緩該員等現在竭力置辦但工程錢糧俱係河道專責今署究寧道事登萊道徐德倣竝不到工查察亦未見具文詳請預備料物玩延之咎已於請帑備料疏內附參其餘各員如有始勤終怠者亦卽據實參

奏不敢姑容貽誤

臣惟有恪遵

聖訓先事預圖務期工程鞏固有備無患以仰副

聖主軫念河防至意所有該工現在趨備料物緣由理  
合據實

奏明恭慰

聖懷仰祈

睿照謹

奏

如此方是凡封疆任事大臣咸肯毅然正色秉公執法  
朕復何憂何慮治平之道先在察吏用得其人事無不

理天下又安萬姓蒙福矣假若一味姑容以邀譽市德  
馴至諸務廢弛法紀蕩然上則貽誤國計下則流毒生  
民作孽日滋而不之覺方且自以爲寬仁長厚寧不大  
謬歟無論

天道報施卽以人情揆之亦知其必不獲免大抵習染最  
易惑人流俗相沿視爲長技忽被晨鐘警醒始信從前  
庸愚小見之可笑也

雍正五年三月十三日兵部左侍郎河南副總河

兼管山東黃河堤工 臣嵇曾筠謹

奏爲欽奉

上諭恭謝

天恩事雍正五年二月二十九日恭接

皇上御批臣奏請東省芝麻莊辦料事宜一摺臣跪讀

聖訓開示嚴明提撕諄切無任感悚竊臣樗櫟庸材荷

蒙

皇上天恩拔擢卿貳委任河防涓埃未效報稱無能清

夜捫心每爲感泣祇以河務重大關係匪輕臣夙  
夜兢兢盡心學習而諳練未深所以臨事徘徊愈  
增鈍拙蒙我

皇上知炳幾先慮周事後屢頒

訓諭誥誡詳明俾臣凜遵

聖訓勉竭駑駘四載以來得有今日皆沐

皇上之生成教育自愧下愚質魯警覺偏遲閱歷多年

始知醒悔迺蒙



聖恩高厚卽爲鼓舞作新

諭臣如此方是則知微臣前此之愆尤叢積均荷  
天恩寬宥曲予矜全昆蟲草木日遊光化而不知覆載  
之包容今跪讀

恩綸感激無地惟有殫盡血誠執法察吏但求公事有  
益不敢絲毫瞻顧恪遵

聖諭力去庸愚之小見勉效大臣之當務以仰報

皇上洪慈於萬一耳臣謹繕摺恭謝

天恩伏乞

睿鑒謹

奏

朕竝非崇尚苛刻但欲卿等秉公執中不欺不徇耳若毫釐錯會則謬以千里矣

雍正五年四月十八日吏部右侍郎河南副總河兼管山東黃河堤工臣嵇曾筠謹

奏爲恭報水勢長發工程平穩仰慰

聖懷事竊豫省黃河南北兩岸堤工荷蒙

皇上睿謨指示發帑興修俱各加幫高厚卽險汎下移  
間有新生險工及零星殘缺之處亦俱鑲護防風  
掃壩幫築餞堤月堤靡不先事預防金甌無缺今  
於四月初十日起至十五日止黃水漲發陡長五  
尺有餘各處堤工鞏固埽壩堅厚足資捍禦至東  
省曹單二縣濱河大堤臣已擇其至險之處嚴飭  
廳汎各官先行修理其餘未經修築之堤亦早安

置人夫曉夜防守俱各保護平穩皆由我

皇上訓諭周詳綢繆未雨所以安瀾永慶雖黃流陡漲  
漫溢出槽而濱河億萬蒼生咸各安居樂業老幼  
歡呼匝地今水勢已退漸次消落歸槽臣現在督  
率廳汛文武員弁加意巡查預防伏汛長發外所  
有黃水陡漲工程平穩情形謹繕摺奏

聞仰慰

聖懷伏乞

睿鑒謹

奏

前聞水低於岸多者丈餘少亦七尺今僅長五尺何乃  
遂至出槽若水勢如此卽不免漫出槽外則嗣後無時  
不可慮矣慎之慎之

雍正五年五月十九日吏部右侍郎河南副總河  
兼管山東黃河堤工臣嵇曾筠謹

奏爲恭謝

天恩事雍正五年四月十五日臣接准吏部咨爲題叅  
事考功清吏司案呈查得通政使司咨稱接得副  
總河嵇曾筠題本一本爲恭謝

天恩事應具奏本而用題本與例不符除將原本封送  
內閣外理合題叅等因雍正五年三月二十九日  
奉

旨該部知道欽此移咨到臣隨恭設香案望

闕叩頭謝

恩訖伏念臣一介菲材仰荷

聖恩深重生成教育高厚難酬自慚賦質愚蒙諸凡未  
諳以致恭謝

天恩應具奏本而用題本有違定例理應立

賜處分乃蒙我

皇上特加寬宥免其察議

洪恩浩蕩浹髓淪肌臣惟益加砥礪勉竭涓埃永矢犬

馬之忱銜結於生生世世耳謹繕摺恭謝

天恩伏祈

皇上睿鑒謹

奏

凡實力佐朕之大臣小過議罰朕亦有所不忍也

同日又

奏爲恭謝

天恩事雍正五年五月初八日臣齋摺家人敬捧

皇上恩賜各種法製錠藥一匣到臣隨恭設香案望



闕叩頭謝

恩祇領訖欽惟我

皇上

至治馨香

太和保合

普黃農之利濟協化育於兩間

媿堯舜之博施切痾瘵於億兆

上方調劑萬彙皆春

異數頻仍千秋榮遇臣蒲葵小草茵木微材芳餌膏酥

早蒙

殊錫蓮茶錫果疊拜

隆施乃

宸衷注念於河干致良藥再頒於

霄漢霜飛玉杵融成紫磨之金月湧冰壺吸取銀蟾之  
液離乘火位祛陰翳以潛消鹽稟水精滌炎氛而  
默化香霏郁烈先蒲艾以迎祥光燦陸離勝瓊漿

凡天下事悉當如此參互比擬融會貫通是乃一以貫之於用人正則扶而邪則剔憶昔形廷奏對聯邀

紫禁之大丹迄今河畔馳驅又捧

洪鈞之法製敬藏工次通燥濕以咸宜分惠羣僚酌  
煥寒而溥濟仰

皇仁之體恤鏤骨銘心感

聖澤之宏深淪肌浹髓臣謹繕摺恭謝

天恩伏祈

睿鑒謹

奏

覽

雍正五年六月十五日吏部右侍郎河南副總河  
兼管山東黃河堤工臣嵇曾筠謹

奏爲據實陳情仰祈

睿鑒事竊臣於本年正月初三日接准部咨奉

命兼管山東黃河堤工隨卽趨赴曹單二縣地方一面  
查勘堤埽工程一面諮訪河工利弊見臨河大堤  
多有卑薄殘缺不能一律高寬堅厚臣仰體

聖懷因比照豫省之例估計加幫增培高厚猶恐廳汛  
各官勘估不實遴委諳練河員逐段細加查丈又  
復待至三月內新任克寧道傅澤洪到任檄飭親  
勘確估嚴加核減造冊具題請

旨興修欽遵在案至工程利弊據黃河同知陳世奇開

報徭夫陋規一項臣當將此項工食幫貼等銀從前俱屬有名無實半係印河各官之陋規半係胥役甲長之侵蝕請嗣後查明堤工應行加幫之處即將工食幫貼等銀先期題估修理等情恭疏具題現准部覆會同河撫二臣虛公畫一妥議在案但流弊已深相沿日久臣不少容隱絕無瞻顧而即為

入告自難見諒於同官至陳世奇被叅之故亦其自取

查該員於上年冬季開明積弊備文詳報似屬爲公因而求給養廉意圖肥己顯係涉私且已經被劾自應靜候處分乃復徑行揭辯其狂縱躁妄已可槩見除將該員另疏特參遵例摘印候

旨外所有微臣題佑加幫大堤竝奏除徭夫積弊前後情節謹爲據實

奏明伏乞

皇上察臣始末鑒臣衷曲

恩賜主持俾臣不以無欺無隱致滋罪戾則從此捐糜  
頂踵任勞任怨犬馬有知勉竭血誠圖報

鴻慈當銜結於生生世世矣臣謹繕摺奏

聞伏乞

皇上睿鑒謹

奏

陳世奇已降嚴旨革職矣衆一屬員尋常事也胡庸如  
是張皇自問無私卽誤衆亦復何罪不然具此一奏豈



遂能移朕之予奪乎似此憂疑恐怖安能無欺無隱不涉瞻顧回護且主持二字斷在朕躬果是則如田文鏡不煩懇乞自有以主持之設非則必不因懇乞而輒偏於主持也所不解者諸大臣雖咸蒙委任率多不知朕衷大抵皆緣自信不及所以不敢信朕耳至於任怨二字無分上下不特不避屬員銜恨縱朕加譴責亦有所不顧惟據理秉公毅然行去方可謂爲任怨況據理秉公之大臣朕焉有加以譴責之理總之識見囿於褊淺

身爲大臣百凡務大爲要何得於目前區區小處耗費  
心神甘爲是徒勞無益之舉耶

同日又

奏爲伏汎將竣恭報水勢工程平穩仰慰

聖懷事竊照今年入伏以來陰雨連旬沁黃屢漲水勢  
雖大所幸河底刷深實能容納旋長旋消竝無留  
滯壅阻一切堤埽工程盡力修防俱極平穩皆仰

賴我

皇上勤求治理誠格

蒼穹所以河伯效靈休徵畢集屆茲伏汎盛長仍復循槽

順軌兩岸安寧

臣

往來豫東兩省踏勘巡查嚴督

道廳印汎文武員弁率領兵夫住宿堤頭并多備  
料物晝夜防守以資保護今伏汎將竣所有水勢  
工程平穩情形理合繕摺奏

聞仰慰

聖懷伏祈

睿鑒謹

奏

直待秋汛過後工程俱各平穩朕方敢釋懷也慎之毋忽

雍正五年七月二十七日吏部右侍郎河南副總  
河兼管山東黃河堤工臣嵇曾筠謹

奏爲秋汛水勢已定豫兗工程平穩仰祈

睿鑒事竊查伏秋交會之時伏汛未消秋汛踵至水勢

易於增長又兼七月內陰雨連綿尤宜加意防範

臣

往來兩岸遍閱河勢見沁水從武陟釘船幫而

下黃水自新開引河注廣武山根而下直至滎澤  
縣仁奠山二水合流是黃沁之上游已循途順軌  
矣自此以下北岸經行滎澤原武陽武封邱祥符  
蘭陽儀封山東之曹縣單縣南岸經行滎澤鄭州  
中牟祥符陳留蘭陽儀封考城商邱虞城所有兩  
岸險要之處俱有埽壩抵護其從前陽武大堤一

案加幫工程經歷三年草根蟠結可禦風雨卽上年增卑培薄之工程嚴飭承修各員晝夜保固一有殘缺上緊修補并檄道廳汛員分投防守搶護俱保平穩其東省之曹單二縣工程查曹縣芝蔴莊埽工已經鑲墊堅實卽水勢長發料物雲集隨時加修埽壩晏然無慮其芝蔴莊上下附近堤工俱已加幫將竣陳家樓黃家廟水勢雖往北趨現有新做防風護埽足資捍禦單縣之董家渡孟家

樓朱黃壩孔家莊等處亦俱現在加幫卽水繞堤  
根人夫官弁羅列堤上易於防守臣恪遵

聖諭敬謹辦理每遇風雨長水之時奔馳兩岸督率屬  
員相機修守凡豫東兩省險要之處俱有準備千  
里堤工自當日臻鞏固臣因身親目擊敬歷數情  
形仰慰

聖懷茲逢天氣漸見清明秋汛水勢已定各處工程平  
穩謹繕摺奏

聞伏祈

睿鑒謹

奏

覽奏深慰朕懷卿之勤劬朕所悉知以此赤衷對越  
天地神明自必獲蒙鑒佑也勉之

雍正五年九月初九日吏部右侍郎河南副總河  
兼管山東黃河堤工臣嵇曾筠謹

奏爲秋汛已竣工程平穩仰祈



睿鑒事竊查今歲秋汛雨水甚勤黃沁屢漲但水勢雖屬浩瀚而循途順軌不致爲患每逢發水之時臣必親至堤埽險要工程遍加察勘見風色平靜水波不興我

皇上至誠至敬感格神祇明效大驗捷於影響是以兩岸安寧萬民有慶現今大堤月堤重重保障凡從前水佔拋荒地畝俱已耕種成熟卽近水灘地所有支河亦經築壩堵塞水不能進淤地更獲豐收

其窪下之區間有上水者而黍穀業已長成水退  
仍復有秋總緣河身刷深可以容蓄不致異常瀰  
漫之故從茲遞年修守堤工固而禾稼登豫省元  
氣可復再查東省曹單二縣工程臣現在竭力嚴  
催其沿河一帶村莊地畝因雨水困積難於播種  
臣隨飭廳印各官開放涵洞疏通水道引水歸湖  
現今積水已消民間可以種麥在大堤之旁水涸  
得土可以加幫公私俱便現今天氣晴明曉夜儼

工承修各員陸續報竣總由

皇上愛民如子發帑興修所以豫東兩省濱河一帶堤岸有金湯之固羣黎獲衽席之安所有秋汛水勢工程平穩情形除另行恭疏會

題外謹繕摺奏

聞仰慰

聖懷伏祈

睿鑒謹

奏

覽奏豫兗河道情形朕心曷勝慰悅頃秋汛雨澤旣多  
水勢自猛朕日夜屢念淮黃不知作何光景今乃如是  
平穩可謂出於望外皆卿等忠誠勤慎所致兩省黎庶  
實攸賴焉已有旨從部頒發矣

雍正五年十月二十九日吏部右侍郎河南副總  
河兼管山東黃河堤工臣嵇曾筠謹

奏爲乘機因勢開挑引河以固大堤仰祈

睿鑒事竊惟黃河之水湍悍變遷其性多曲每遇掃灣轉溜非斜趨而北卽直注而南以致兩岸堤工或當大河之頂衝或被支河之汕刷簽椿下埽多方救護始獲保固平穩此南北兩岸各工致險之源也上年十月內臣恭進黃沁安瀾圖仰蒙

聖慈就圖指示將灣處挑直堤工卽可化險爲平

諭臣

查勘具奏臣遵卽來往河濱詳細審視因河頭俱

無吸川之形河尾又無建瓴之勢是以不敢冒昧

議開隨令廳汎各官勤加相度倘河流稍有動移  
或遇可乘之機卽當隨時入

告不敢因循貽誤當經

奏明在案今查得儀封縣北岸雷家寺一工向因大  
河自南岸青龍岡迤下由西南埽灣起勢直注西  
北致將雷家寺上首之灘刷開支河一道沿堤走  
溜經宋家營徐家堂曲家樓等處直至三家莊出  
口五十餘里騰波湧浪勢同奔馬每遇汎水泛漲

上下搶護救應不遑該廳等曾將支河堵築土壩  
攔截以保大堤而水力盛大殊難抵禦臣經營籌  
度乘舟親往查勘現今青龍岡迤下水勢濚洄紆  
折將上灣淘作深堍與下灣相對止隔四百一十  
丈臣率領道廳汛員細加看驗上水河頭已有吸  
川之形下水河尾亦有建瓴之勢亟宜乘機因勢  
開挖引河導水東行則河身順直水不紆回大河  
之流既暢支河之勢自緩隨築壩攔截可以經久

扞禦矣引河既成支河壩既築俾黃流全歸正河  
自當愈刷愈深將來河灘漸次淤高不特北岸雷  
家寺迤東五十餘里之埽工可以漸次減省而涸  
出之灘地亦得廣爲耕種實於運道民生大有裨  
益今據道廳詳估前來臣復細加踏勘核估該挑  
引河四百一十丈及堵築支河土埽等工共銀七  
千餘兩謹繕摺繪圖先行奏

聞恭請



皇上訓示以便會同河臣齊蘇勒督臣田文鏡恭疏  
題請伏祈

睿鑒謹

奏

若知之真見之透復與齊蘇勒意見相同卽一面具題  
一面興工可也

雍正六年正月十九日吏部左侍郎河南副總河  
兼管山東黃河堤工臣嵇曾筠謹

奏爲恭報河工豫備事宜仰慰

聖懷事竊查豫省河工歲修一項臣前條奏定於秋成後卽發銀購料每林稽一百斤定價七分較前節省二分務於八月內道庫發銀勒限十月內照額辦足奉

旨俞允欽遵在案隨卽飛行道廳遵照去後茲據管河道祝兆鵬河北道朱藻呈報南北兩岸各廳辦料銀兩俱經如期給發所買物料業已購足陸續運

貯工所前來臣於臘底新年復親往查察目擊堤  
工所貯料物俱各鱗比櫛次堆積崇墉分編字號  
插立牌檄隨諭多撥兵夫看守儘可有備無患再  
查堤上搶險下埽鑲填全憑積土臣已嚴飭廳汛  
督率兵夫趁此閒暇沿堤預備土牛料物既多土  
牛旣積本年各汛修守有資自可無誤隄防矣至  
南北兩岸柳園因從前需用過多採伐殆盡早已  
通飭廳汛務於冬末春初津液含蓄之時廣爲栽

植俟春和澆灌成活臣復親加催督查驗兩岸柳  
椽俱已密排栽種成行河工要料漸見蕃衍所有  
預備事宜理合恭摺奏

聞上慰

聖懷伏祈

皇上睿鑒謹

奏

防禦有備允愜朕懷人事盡而後

天心之眷祐可期朕宵旰勤求孜孜不倦亦正此意耳勉  
之

同日又

奏爲

聖主天恩浩蕩微臣感激難名敬陳謝悃仰祈

睿鑒事雍正六年正月十一日准河南督臣田文鏡字

信內錄正月初六日奉怡親王大學士等來字雍

正五年十二月二十二日奉

上諭副總河嵇曾筠衙門無養廉之項朕向來不知故  
未降旨今因齊蘇勒奏聞朕始知之爾等可寄信與  
河南總督山東巡撫令河南山東二省各於公用銀  
兩內以三千兩給與嵇曾筠爲伊用度伊旣辦理地  
方公事自應如此加恩倘不爲籌畫養廉之項將來  
遇不肖之員爲副總河必至苛索於地方也欽此遵  
旨寄信前來知會到臣臣隨虔設香案望

闕叩頭恭謝

天恩訖竊臣一介寒微備員詞館荷蒙我

皇上洪恩賞拔洊列卿貳

特授以副總河之職管理豫東兩省堤工五載河干毫  
無報稱迺蒙

睿照周詳曲爲籌畫

特命怡親王等寄信河南山東督撫二臣令於二省公

用銀兩內各以三千兩給與臣曾筠用度

洪慈體恤至優至渥聞

命之下感激涕零伏念

臣

父以生員殉節

臣

母以青年

守志臣以四齡孤子伶仃飄泊幸際

昌明之會疊邀知遇之隆今又蒙

皇上如此加恩匪特微臣不敢稍萌不肖之私自今以

後卽有不肖之員亦莫不滌面洗心鼓舞奮勉於

天高地厚之中矣所有微臣感激愚忱理合恭摺

奏謝伏祈

皇上睿鑒謹



奏

汝前爲養廉一事具摺陳請曾經批諭酌查取給之項嗣後汝未再奏朕亦遂爾遺忘今齊蘇勒來京面陳一切方始憶及比年來汝二人難堪清苦矣兩省督撫目擊拮据情狀不一過問何若是之愀然也

雍正六年二月二十七日吏部左侍郎河南副總河兼管山東黃河堤工臣嵇曾筠謹

奏爲欽奉

上諭事雍正六年正月二十七日臣於山東曹縣工次

時值河臣齊蘇勒

陛見回南赴豫臣隨跪請

皇上聖安據齊蘇勒傳奉

聖諭河南雷家寺一帶堵截支河開挖引河一事爾於  
回南之時前往彼處再行詳看會同副總河嵇曾筠  
細加商酌欽此欽遵臣於正月三十日同至雷家寺  
工次細看河勢情形凜遵

皇上按圖指示機宜詳加斟酌應於儀封縣三家莊添築迎水大壩一座以抵全黃頂衝之力又查曹縣芝麻莊埽工地居三家莊下游正對黃流掃灣水勢悍激應於舊埽上首添築挑水大壩一座挑溜開行上下可保無虞俱經會摺恭

奏齊蘇勒於二月初十日出河南境訖臣一面飛飭僱運料物將三家莊迎水壩及芝麻莊挑水壩晝夜興築下埽簽樁鑲墊穩固復親至雷家寺督催

各員挑挖引河已經挖有八分指日可以告成臣  
因挑汛屆期由山東黃河北岸起一路沿堤查勘  
直至河南武陟嚴諭沿河廳汛員弁多撥兵夫擡  
土增培堤頂搜尋鼠穴獾洞修理歲搶工程以資  
捍禦臣自查勘北岸之後卽渡河查勘南岸堤工  
往返巡歷目擊沿河灘岸竟有高出水面七八尺  
一丈不等可見河身漸次刷深此皆由

皇上睿慮周詳

聖謨指示所致臣惟有愈加謹慎先事圖維以仰副  
聖懷理合恭摺奏

聞伏祈

睿鑒謹

奏

據奏河漸刷深朕懷甚慰至於堵截開挑等務人事固  
所當盡仍宜以公誠敬謹感

天格神莫邀佑助絲毫毋涉縱肆勉之

同日又

奏爲請

旨事雍正六年二月初二日河臣齊蘇勒傳奉

上諭據奏河南蘭陽縣漫口處所有神像自上流漂來其漫口之水隨卽自行沙淤甚屬奇事爾等當於此處另建寬大廟宇以答神庥欽此欽遵臣隨公同相度地基興建廟宇業經會摺恭

奏欽惟我

皇上愛民心切誠感河靈爲民敬

神建立廟宇此誠千載難逢殊祥

鉅典也伏念臣於雍正元年六月內欽承

簡命來赴河南堵築中牟十里店漫口奉

旨動用庫帑分發各州縣辦料至十月初間料物齊集

堤頂堆積如山正在晝夜捲埽尅期搶堵不料十月十七日夜半更夫掛燈籠於棚簷失火燒棚斯時棚之西向逼近壩臺因趁月明鋪掃滿地稽草

棚之東向有千百萬之積料堆貯崇墉若一延燒  
則壩臺既不可保物料盡成灰燼臣寢處草棚驚  
聞起視見西風猛烈火焰燭天風頭火勢俱自西

而東十分危險臣倉皇跪禱口誦我

感應

之理實捷如影響漢臣反風滅火豈屬偶然但不

皇上

軫念億萬民生宵旰焦勞動用帑金購辦物料

公不

誠者非理妄求自亦無驗至若懸慢不信

命臣

曾筠來此堵築漫口今積有半年物料始得齊全

厭神

惡之流更曷可同日而語朕深為卿幸焉勉之

若被延燒不但堵築稽遲民困饑溺將來再為購

料運送維艱民力何堪伏望



風火尊神仰體

上帝好生之心

聖主焦勞至意止風熄火下救黎民困阨頃之忽見風  
頭陡轉火勢自南而北將堤北渡船一隻燒燬殆  
盡大桅南倒又將火頭壓滅東西壩臺物料俱獲  
保全斯時官民夫役莫不歡呼

萬歲口頌

此等套語甚不合朕意屢經訓諭何敢不聽從而改易  
皇上洪福諸神保佑所致又連年伏秋汛水長發之時

耶

風色全無波恬浪靜似應起建風火二神祠宇以  
酬神貺今現奉

聖諭命臣等於蘭陽漫口建立寬大廟宇可否叩懇  
風神之祀近已降旨命部臣考議諒卿聞之故有此奏  
天恩并於殿旁空隙處所再建風神殿三請

間兩旁配殿各六間門樓各三間附於廟之左右  
敬安

神位倘蒙

恩允可行所有應估工價數目容臣等一併據實續估具

奏爲此繕摺請

旨伏祈

皇上睿鑒施行謹

奏

覽

雍正六年三月十三日兵部尚書河南副總河兼  
管山東黃河堤工臣嵇曾筠謹

奏爲恭報蘭陽新險工程搶護平穩仰慰

聖懷事竊照蘭陽縣北岸耿家寨地方原係臨河險要

臣前同河臣齊蘇勒相度形勢必得重門保障方

資鞏固因議將大堤及臨河縷水堤竝中間土堰  
一道亦幫作越堤共有三重均酌量估計於雍正  
二年三年陸續

題請加幫在案近因河勢下移南岸長出淤灘黃流  
北注漸成頂衝本年二月間節據該廳汎具報埽  
工墊陷歷經批飭動料鑲填搶護嗣於二月二十

八日臣正在巡查南岸據下北河同知張近光報稱二十七日未時河勢陡湧大溜衝刷堤根走埽一箇連夜捲埽搶護至二十八日卯時塌卸堤頂一丈餘等情臣隨冒雨渡河赴工查勘見水勢已緩卽住宿工次相機修守如式下埽簽椿堅實買土鑲填業經搶築平穩訖伏念桃汛水勢易長易消尚然報險急應未雨綢繆以防伏秋二汛因查第三道大堤久已加幫高厚其第二道越堤雖經

加幫頂寬二丈底寬八丈高一丈二尺尚嫌卑薄其臨河第一道縷水堤近因大溜直射堤根深至二丈有餘臣再四籌度現於堤南迎溜頂衝之處下樓厓埽一路沉水埽一路又預備料物相機下魚鱗埽一路再查縷堤北面有積水深潭因晝夜趕築裹餞壩臺密釘攔土排樁一路又於險工左右堤頂盡行酌量加高則頭門已屬穩固次將第二道越堤隨地勢加幫高至一丈五六七尺頂寬

三丈底寬十二丈并估下等埽一路則二門亦有  
捍衛再於第三道大堤上添貯料物以備不時需  
用多撥員弁兵夫防守則三門亦有準備再估從  
縷水堤北直接大堤東西建築格堤二道預爲收  
束水勢地步則四面層層有備雖至伏秋可保萬  
全矣臣一面會商督臣田文鏡暫動河庫存貯捐  
工銀兩委河北道朱藻督工僱築興修尅期告竣  
一面飭令據實確估造冊會

題請

旨外所有現在搶護耿家寨堤工平穩情形合先奏

聞恭慰

聖懷伏祈

皇上睿鑒謹

奏

從來有備則無患覽奏抵禦機宜朕懷似可不爲伏秋慮矣雖然天下事往往功成於險變起於平智或有時



不及施力亦有時不足恃心一放則必至懈弛故書垂  
無逸之訓而詩載戰兢之誠也要當敬慎日增斯須不  
可去念期共勉之

雍正六年五月二十八日吏部尚書河南副總河

兼管山東黃河堤工 臣 嵇曾筠謹

奏爲恭報五月水勢工程平穩情形上慰

聖懷事竊照黃河堤岸全憑修守 臣 凜遵

聖諭時刻嚴飭廳汛員弁竭力奉行卽儀封北岸之三

家莊山東曹縣之芝麻莊俱經下埽簽椿添築壩

工鑲填穩固其蘭陽北岸新險之耿家寨工程緊

要臣現在親行催督多備物料隨墊隨鑲雖係頂

衝壩工已經堅厚足資捍禦臣緣駐劄險工不能

分身徧為查察屢檄兩河員弁加謹修防現有左

僉都御史臣徐湛恩前往兩岸凡遇歲搶工程督

令星夜備做自五月初三日查勘起至二十四日

始回耿家寨目見兩岸堤工俱各平穩五月內雖

經兩次長水然皆旋消循軌東注臣乘舟細察河  
勢見中泓既深黃流已循故道凡係昔年舊有險  
工之處俱當加意防範臣已檄飭廳汛多積物料  
相機修守如遇新險要工即一面竭力搶護一面  
據實勘估會

題務必恪遵

聖訓時存敬慎早夜修防以保護安寧所有五月水勢  
工程平穩情形理合恭摺奏

聞仰慰

聖懷謹

奏

覽奏水勢情形朕懷深慰然必待伏秋二汛過後方可  
言平穩二字也慎之又慎毋或少怠

同日又

奏爲恭報引河告成水勢暢流上慰

聖懷事竊查儀封北岸河勢直注西北刷成支河沿堤

走溜騰波湧浪勢同奔馬經宋家營徐家塘曲家樓直至三家莊綿長數十里每值汎水漲發搶護不遑臣經會疏

題請於雷家寺地方開它引河導水東行荷蒙

恩允欽遵在案臣於正二月間卽親督廳印汎各員挑

它如式嗣緣挑汎水小不敢輕於開放至五月十

二日河水長有四尺五寸臣隨星夜前往督同承

挑各員多雇人夫將河頭河尾一夜挑它深通於

十三日清晨開放時值西風忽起水激風順湧溜

東注引河瞬息盈科暢流無阻臣又於二十三日

乘舟察勘適當雷雨交作西北風猛住宿舟中是

夜水長四尺四寸風順水湧大溜皆歸引河至次

日查勘河身汕刷寬有百丈深有二丈四五尺不

等新河愈刷愈深舊河水勢頓落雷家寺迤東一

帶埽工將來可漸次減省而水占灘地亦可逐漸

涸出廣爲耕種實於運道民生均有補裨此皆仰

賴我

皇上敬

天勤民至誠感召神力護佑所致也所有雷家寺引河告  
成情形理合據實奏

聞恭慰

聖懷伏祈

睿鑒謹

奏

據奏開放引河時水激風順若有

神助皆賴卿等實心任事正已率屬有以感召所致朕慶幸有加欣慰不已期共勉之

雍正六年七月二十七日吏部尚書河南副總河兼管山東黃河堤工臣嵇曾筠謹

奏爲恭報七月水勢工程平穩情形上慰

聖懷事竊照伏秋交會之際水勢最爲險要蓋因伏汛未消秋汛踵至未免汪涵渟蓄故歷年以來屆期



防範搶護不遑至今年七月伏秋交會水勢雖見

增長而風恬波靜前水已消後水方至兩岸廳汛

兵夫小心修守雖至險如耿家寨三家莊芝麻莊

埽工亦皆鑲填保護平穩臣又乘舟遣熟諳河兵

探量中泓水勢武陟以下深至二三丈不等考城

以下深至四五丈不等可見河底日漸刷深河槽

實能容納自無漫灘異漲之患伏查本年七月初

六日據報沁河長水四尺餘臣卽飛檄廳汛晝夜

修防去後嗣據各汛報到沁河之水流入黃河所  
長不過尺許此雖因河面寬濶實由河底淵深之  
明驗也再查黃河性不兩行各道支河堵塞既無  
旁流以洩其氣而紆曲太甚衝刷堤工之處又開  
它引河以順其性如雷家寺新河既成不數日間  
青龍岡迤下數十里舊河身旋即淤成平陸此皆  
由我

皇上宵旰憂勤誠敬格

天指示周詳所以黃流循軌日慶安瀾臣惟有凜遵

聖訓益加敬慎勤事修防以永保堤工鞏固所有七月  
水勢工程平穩情形理合恭摺奏

聞仰慰

聖懷伏祈

睿鑒謹

奏

覽奏深為慰悅一切工務朕不過指示大畧至於臨時

應變相度機宜若非卿等勤勞趨事忠誠感

神曷克有此功效再能保固三二年後朕憂虞之念可全  
釋矣勗哉敬慎勿懈

雍正六年十二月十一日吏部尚書河南副總河  
兼管黃河堤工臣嵇曾筠謹

奏爲運河水勢深通黃河料物齊備敬慰

聖懷事竊照豫省漕糧全資丹衛二水濟運自蒙我

皇上欽頒衛河源神靈源昭瑞匾額新泉渙發愈加滂

沛現今時值隆冬各道泉源湧注與丹河合流濟  
運現今探量水勢深有五六七尺不等漕艘通行  
俱陸續催攢出境至黃河歲修料物早已撥帑採  
辦現皆運貯堤工堆積崇墉來歲修守可以有備  
無患臣因接准部文欽遵

諭旨致祭嘉應觀

河神卽由蘭陽起程前往武陟於十二月初九日虔  
誠敬謹肅將

祀典訖隨即一路查勘豫東黃河兩岸工程趁此水  
落歸槽凡應修應補之處預爲相度以便明歲春  
和加工并督率兵夫住宿堡房積土種柳歲暮天  
寒守望相助千里長堤查察謹嚴附近居民寧謐  
安堵所有運河水勢深通黃河料物齊備情形謹  
繕摺奏

聞伏祈

睿鑒謹

奏

運河水勢深通黃河料物齊備欣悅覽之但聞汝於諸  
凡事務殊欠擔當往往推諉屬員此乃大不可者果若  
是止知有己而不知有人人心何由而服將見平時則  
各懷顧惜臨事胥觀望不前於汝甚屬無益當返躬內  
省極力改除爲要

雍正七年正月二十二日吏部尚書河南副總河  
兼管山東黃河堤工 臣 嵇曾筠謹

奏爲恭謝

天恩事雍正六年十二月初五日准工部咨開恭報搶築等事一案十一月十六日奉

旨秦家廠漫口合龍之處原屬險急工程其用過土方價值又屢經部駁嵇曾筠爲人謹慎小心若果浮冒伊必據實核減這次加恩准其開銷不必再行駁詰  
欽此咨行到臣隨恭設香案望

闕叩頭謝



恩伏念臣本愚陋備員河干冰兢自矢六載於茲凡有  
聽汎所做工程該道冊報臣每嚴加核減親勘確  
實果無浮冒方敢報銷此臣慎重工帑之微忱時  
時凜矢旦明而不敢直陳於

君父之前者乃早蒙

皇上洪慈洞照

特沛溫綸捧誦

皇言銜感無地臣自揣知識愚鈍報稱無能惟有勤事

修防痛加釐剔凡係工程錢糧不致纖毫浮冒事  
事謹慎刻刻小心以仰報

皇上知遇隆恩於萬一耳爲此繕摺恭謝

天恩伏祈

睿鑒謹

奏

揆情酌理四字朕實能之第恐聞見不確則或未必適  
得其當耳

同日又

奏爲欽奉

上諭事竊臣齎摺家人回豫敬捧

皇上硃批臣運河水勢深通黃河料物齊備等事奏摺  
欽奉

硃批諭旨臣跪讀之下惶悚無地伏念臣一介庸愚毫  
無知識六載河干愆尤叢積荷蒙

皇上覆載洪慈包容

教誨保全至今茲蒙

聖訓誠飭以臣擔荷之力甚欠往往推諉屬員令臣返躬極力內省改除宥其既往勉其自新感戴

生成涕零如雨第臣有下情不敢不敬陳於

聖主之前者竊查河工私弊易生河工浮議易起臣受恩深重惟知矢慎矢公務期工收實在帑不虛糜是以工無論大小臣必親勘地無問遠近臣必親到河員以有事爲榮以興工爲利但云工程險要而不

知內中有應做不應做之工若一槩擔承估計興  
修必致帑金糜費臣於此等工程必再四推敲駁  
飭詳加核實方敢具

題此臣拘謹愚誠難逃

聖明洞鑒之中者也再臣素未諳練河務自奉

命到工兢兢學習刻刻隄防凡遇迫不及待之險工卽  
立時擔荷率先搶護外至若工程浩大需帑繁多  
尚可稍緩時日者臣必再三相度形勢一面調撥

銀兩預備料物一面商定於河臣細訪於熟諳員  
弁兵夫詢謀僉同然後踴躍前進下一埽務必得  
一埽之力做一工務必收一工之效其難其慎以  
冀萬全是以數年來凜遵

聖訓幸得黽勉供職伏念豫東二省河工最關緊要我  
皇上宵旰焦勞諄諄

訓示微臣世受

國恩才庸任重卽捐糜頂踵尚難報稱寧敢稍萌推

諉屬員之念上負

聖主知遇之隆祇緣大工業已告竣長堤屹若金湯自  
應以搏節錢糧爲重倘臣冒昧擔荷或致帑金糜  
費屬員虧空則臣罪難追至於估計工程錢糧例  
由道廳冊報臣等察核稍有浮冒臣等查叅若不  
慎重詳查自用自專恐致草率易生朦蔽臣愚不  
得不兢兢過慮也欽奉

皇上矜憐訓誡臣惟有感激猛省諸事留心凡有一毫

推諉之念必痛加改除以仰副

聖主教誨之仁恩於萬一耳臣謹繕摺恭謝

天恩伏祈

睿鑒謹

奏

謹慎固為處事要道但不可因小而失大過與不及等耳今齊蘇勸業經溘逝修防諳練之人當倍加黽勉切勿過於拘執錢糧重輕較之河防又其次矣朕數日以



來如失所倚念彼河干思吾賢佐不禁爲之涕下奈何  
奈何向後能慰朕懷與否萬姓蒙福罹災與否全賴汝  
之忠勤誠敬矣灑泪批諭

雍正七年二月二十五日吏部尚書河南副總河  
兼管山東黃河堤工臣嵇曾筠謹

奏爲欽奉

上諭事雍正七年二月十八日臣於儀封北岸工次接  
到

皇上發回臣欽奉

上諭事奏摺奉有

硃批諭旨臣跪讀之下悚懼恐惶置身無地竊念臣樗  
櫟庸材仰荷

皇上天恩拔擢豢養生成特畀河工重任提撕警覺教  
育多方茲以河臣齊蘇勒已故特頒

訓旨誥誨諄諄仰見我

皇上慎重河防時深饑溺之思

眷念勞臣彌切股肱之痛臣雖犬馬無知亦思感奮圖報自今以往惟有凜遵

聖諭加倍小心無事則以查核錢糧爲重有事則以搶護工程爲要不敢因小而失大不敢矯枉而過正念念切於忠勤刻刻勉於誠敬所有豫東二省黃河工程臣總以身肩任務保長堤永固圖萬姓之久安頌

皇仁之錫福以祈仰慰

聖懷於萬一耳臣謹繕摺恭謝

聖訓謹

奏

仰慰朕懷豈在紙上空文須數年後金堤彌增鞏固黃  
流永慶安瀾方可謂言行相符是乃朕之大願也敬慎  
爲之

硃批諭旨卷一百七十五之二



總校官庶吉士臣侍朝

校對官編修臣周厚轅

謄錄監生臣雷在瓊